

- durg mich hait ir den lif ergeuen.  
des willich hude min leven.  
alhie wagen up diser heiden.
- 20 Ich in wreghe uch beiden.  
Karl den schilt wiedir geprant.  
den helm he up sin hovuit bant.  
der arbeide ime nit in uirdrois,  
ein sper scharp dicke ende grois.
- 25 Greif he du balde in sine hant.  
bit zorne is he dus vort gerant.  
Suken Breimunde van affriche.  
nu begunde Karl vresliche.  
die franzose ane krairen.
- 30 dane dane bit den baniren.  
alle die mine holden sin.  
inde helpit mir dat leit min.  
wreghen ane Breimunde.  
de mir in kürzer stünde.
- 35 Morande ende einarde.  
irslagen hait bit durendarde.  
Dus volgeden Karle du alle.  
die kunc franzose bit schalle.  
so daden och die tollettere.
- 40 als Breimunt du gesach dir here.  
Dat si alle up ime kerden so.  
du uirzagete he sich ende ulo.  
harde balde sinen wech.  
Vuir straze ende vuir stech.
- 45 Du die affrikere gesagen zu.  
dat Breimunt ir here du.  
so bal . . . ne begunde keran.  
des willich uch die warheit meren.  
Nu wighen si auch umbe.